

## **Kayëta ir Yud in Lilaya in**

Ar yëgwëk kayëta ijo an, Yud këno wãcënd. Kayëta iromax ijo kë sëyalind mëne bërëwãk end Yesu Kërisët bën këreni tëfënd na osëyali or fudac or kë rend mëne bësošan do gë bësoxari bër gër Amara bën asëk alakira fo ex gayik Kaxanu aseban ko sebanënd. Ata Yud a yëgwë yëgwë ko bamatinali band gër bakayëta bakarëk ebi masinaxën bërëwãk bën mëne Kaxanu axiti ko xitind osëmbak ol. Kayëta ijo hatak gë cale ind kë rend mëne Kaxanu kë yëlënd apexa an paß gë Yesu Kërisët. Er ex gër akayëta in:

Ecëmar el: 1-2.

End ekwëta el do gë osëyali onëgwëê eñ: 3-23.

End cale eñ: 24-25.

### *Ecëmar el*

<sup>1</sup> Wëno Yud, ariyenin ar Yesu Kërisët an, ar acël amat gë Êak an, këñun yëgwënëlinde wën bër wãcëraw këñun Faba Kaxanu, ñan këñun, do xwëtaya këñun gër Yesu Kërisët!

<sup>2</sup> Awa Kaxanu ka yënanëleño wën do yëlëleñun mban, obetak ol do gë anjana an!

### *End bësëyali bënëgwëê eñ*

<sup>3</sup> Wën bëma yë bënd ke balënd mban bëño, gë obal osëm yandi baxe mun ñëgwënëli end apexa and êot këne biyi dek eñ. Gërëgako nang këme,

afo mun ñëgwënëli en kemënalixën ekwëta ed këbi yëlënd Kaxanu amat fo bërëwãk el.

<sup>4</sup> Enimin, bela bëwëšik exëna bër lila këñun yir fo do këni nëmbënd oyekax or ko yëlënd Kaxanu ol gë oñandi oñacaxik. Bën ayaxëta këno yaxëtand Yesu Kërisët, mëñ ar ex Asëyali do Axwën an. Ata kiti indebën in anëka fo yëgw këni.

<sup>5</sup> Anang nang kën dek beño, axwitan fo këmum xwitanënd mëne Axwën an racët babi gër oxadëp bulunda ir Isërayel in gër ebar ed Misëra. Barikan alawã lawã babi bër hëp bax eno kwëta bën.

<sup>6</sup> Kwitayin bëte end omeleka od sak babi or gapak or šot bani ol, Kaxanu afokëra fokëra këbi or lañ gëd gër acamëdan xali yatir akey atëm and kiti.

<sup>7</sup> Mondako fo bax bëte end bela bër lëg bax gër bangol band Sodom gë Gomor do gër band hi bax ler ler bañ. Awata wata bani becëfënaixik do gë eñac xali babi yandind laka ir ax ñap ex na in. Gërëgako, asoro këni sorond gër xodux or din ir din, or ax domind na gë edomi. Do toro indebën ino këbo wësinënd ang këbi hid ak dek bër kë rind mondako bën.

<sup>8</sup> Awa bela bër lila kënun yir fo bëjo mondako fo këni rind: ofakeli odebën këni sëfënd do këni buyarënënd beman bendebën beñ. Ayepën këni yepënënd or gapak or Axwën ol do kënebi širënd bangoc bacaraxik bañ.

<sup>9</sup> Xarak Mišel, alëngw ar omeleka an, axo yëxw bana eño nëp gë ocir šabucara in, and bani xandërend eman end Moyis añ. Are fo re baño: «Axwën an ki rexëra!»

<sup>10</sup> Bari bela bëjo ašir këni širënd er bayik ani nang ex na in. Do bebër nang këni gë onden këm, ang oŵacar fo bën, anemin këbi nemin.

<sup>11</sup> Awa bëjo abi ye ex na ga sëf këni ako fëña ir Kaÿe in. Ang nambëra baxo Balam në end acosa ak nambëra këni. Bëte ang nemi ko Kore ak në end emëšen ed Kaxanu fo nemi këni.

<sup>12</sup> Bëjo abuyarën këni buyarënënd opëna od amara andewën ok. Er këni xwëndand wayët ñambëran, gë ošeb fo, ani gi ex na gë anjus. End ala abi balënd na, ang ax gi ex na end ogaf odebën fo. Ang banjar band barër bax do šapëreliek ekoc tëbërëxe fo hi këni. Bëte er hi këni ang batëx bañambëyamb band ax dëwënd na fo xali xucak nand ebax ex dëw na. Bakëlëbëd baki šësëk ga rët këni.

<sup>13</sup> Ang kë watind bomuyar gër angwëngw and kë xanind men bërëxadët bomeŋ bomeŋ ak, mondako fo këni rind bela bëjo ex watixën becëfëanaxik bendebën beŋ. Bëte ang oŵal or kë yexërand sam-sam gër orën fo hi këni. Do Kaxanu fenin këbi olëg or din ir din ol gër ed xurik ex camëdan.

<sup>14</sup> Enok, ar ex acongaxinëm gër andëwëra and Adam an, ayeyan yeyan baxo ang alawënel fo end bela bëjo eŋ: «Awël nde, Axwën an ayow ko yow gër ngwën ro gë omeleka omënëk odexëm ok owëli, owëli.

<sup>15</sup> Ayow ko yow ebi kiti dek bela bën do ebi nöp bësëmbak bën në end dek bandixa batëmbak band këno renanënd beŋ, do në end oyeyan oÿëŋëanax or bësëmbak or këno yeyananënd bëwëndëran oŋ.»

<sup>16</sup> Bela bējo laŋ bër šaminak fo hi kēni. Laŋ kēni rendërand end aniyān andebën eŋ, do sēf kēni wayët oñandi odebën fo. Gër osēy orebën yer ndafēnan itēm fo ex, xarak bela bën fo kēnēbi yifand gē oyeyan onēngax eni cotaxēn er ŷandi kēbi in.

*End aniyān and oxëreceŋ eŋ*

<sup>17</sup> Wën cēŋ bēmaŷe bënd ke balënd mbaŋ bēŋo, kwitayin end reya bani gana-gana fo oparëxanda od Yesu Kërisët, Axwën arebi eŋ.

<sup>18</sup> Ga banun felënd wa: «Gër bakey bapelatar, bela bër kē sanënd mbaŋ kē šanayaw na, do eni tēfënd oñandi oñēŋēnax ok, mēne ngēŋ betēmbak beŋ.»

<sup>19</sup> Bën ex bēyic bër bamara bën, ang oŵacar fo kēni rind, do Angoc and Kaxanu aŋ ax gi ex na gër ola orebën.

<sup>20</sup> Barikan wën bēmaŷe bënd ke balënd mbaŋ bēŋo, ang kēni bayënd aciŵ ak, bayin oxëreceŋ orewën ol gër ekwëta emēnek ed šot kën. Caleyindën gē Angoc aŋ.

<sup>21</sup> Kemēnayin gër aŋana and Kaxanu ga kën šēnind ako axaŷēnan ir Yesu Kërisët, Axwën arebi, ir kēbo yëlënd aniyān and din ir din in.

<sup>22</sup> Kaŷēnanindēleŋun bër sitarak gër ekwëta bën.

<sup>23</sup> Bërëmar afo enēbi dacëtënd gër xodux eni pexaxën. Bējo bēte kaŷēnanindēleŋun gē anjiŷ. Ado ax gi ex na dēŋ mokwixëta acud andebën and buyarēnek beñēŋēnax bendebën aŋ.

*Eduwa el*

<sup>24</sup> Duwanëḡone Ar xorëk gabat eḡun nëkonand këdi kën wëndëra an. Bëte duwanëḡone ar xorëk eḡun kwësan, gë etëmbak këm an, gër lëngw ir enjaran endexëm, gë onënga fo.

<sup>25</sup> Mëḡ gabat ex Kaxanu, ar fexën këbo paḡ gë Yesu Kërisët, Axwën arebi an. Mëḡ gabat xwënëk enjaran eḡ, panga iḡ, owun ol do gë or gapak ol, elod ga ŷanak ngwën iḡ, xali gërëgako do din ir din! Amen!

**Oniyan**  
**Oniyan: Oniyan (New Testament+)**

copyright © 2017 Wycliffe Bible Translators, Inc.

Language: Oniyan

Contributor: Wycliffe Bible Translators, Inc.

All rights reserved.

2025-04-29

---

PDF generated using Haiola and XeLaTeX on 29 Apr 2025 from source  
files dated 29 Apr 2025  
8b7902f3-5e35-5b89-86b2-c6da1be458b9